

## ✿ 命 令

臨時大總統令

現在國體改定聯合五族組織新邦必宜使畛域胥除情誼日洽查舊例於漢滿漢蒙皆有擅通婚姻禁令而回藏兩族與漢族結婚者亦少近年屢議豁除舊禁疏通習俗或頒布而尙少奉行或勸告而猶多疑阻刻下共和伊始五族一家若仍於婚姻一節有此疆彼界之拘則睽隔殊多何以免參差而昭聯合爲此用勸漢滿蒙回藏五大族各宜互通婚姻一以除異同之跡一以期情誼之孚其習俗確有窒礙如纏足等類均宜亟爲改更所望五大族士紳耆老苦口相勸毅力堅持作爲楷模用廣推暨庶我國民共除舊見敦睦新歡行聯合之實使我五大民族相親相愛於無極所有各地方民政各機關均卽出示勸諭俾衆周知益擴胞與之懷同登熙皞之治是則本大總統所厚望焉此令

中華民國元年四月十三日卽壬子年二月二十六日大總統蓋印

臨時大總統令

任命黎元洪領參謀總長事此令

中華民國元年四月十三日卽壬子年二月二十六日大總統蓋印

臨時大總統令

任命王治馨爲內城巡警總廳廳丞此令

中華民國元年四月十三日即壬子年二月二十六日大總統蓋印  
臨時大總統令

內城巡警總廳廳丞王善荃因病呈請解職應即照准此令

中華民國元年四月十三日即壬子年二月二十六日大總統蓋印

臨時大總統令

任命烏珍兼京營地面軍警督察長此令

中華民國元年四月十三日即壬子年二月二十六日大總統蓋印

臨時大總統令

任命程德全爲江蘇都督此令

中華民國元年四月十三日即壬子年二月二十六日大總統蓋印

臨時大總統令

江蘇都督莊蘊寬前因患病電請辭職迭經慰留當此民國肇造百端待理該都督才識卓絕方資贊助乃據再三以病懇辭情詞肫摯未忍重拂其意應准解職俾得安心調治此令

中華民國元年四月十三日即壬子年二月二十六日大總統蓋印

臨時大總統令

任命俞明震爲甘肅提學使此令

中華民國元年四月十三日即壬子年二月二十六日大總統蓋印

臨時大總統令

前江蘇山陽縣民政長姚榮澤因殺死周實丹阮式被控一案經該管法庭按律判定死刑茲據前司法總長伍廷芳及陪審員胡詒穀等四員先後電陳本案發生在秩序擾亂之際與平常之時不同該犯雖罪有應得實情尙可原等語本大總統依臨時約法第四十條特赦姚榮澤免其執行死刑餘照該法庭所擬辦理此令

中華民國元年四月十三日即壬子年二月二十六日大總統蓋印

陽歷四月十四日即壬子二月二十七日

公函

紅十字會會長呂海寰呈大總統函 陽歷四月初九日即壬子二月二十二日

敬肅者敝會自上年舊歷九月開辦至今各省省會及沿江沿海商埠分設支會逐漸擴充實行救濟一切來往文牘至爲繁曠惟仍借用從前部頒銅質關防殊與時事不合現擬另行刊刻木質關防其文曰中國紅十字會關防以符外務部三十二年二月初二日原奏而便聯合通國各支會一致進行理合布陳并請立案實爲公便伏乞垂鑒呂海寰謹肅

陽歷四月十四日即壬子二月二十七日

# 報 告

度支部續收愛國公債數目單

武備院筆帖式邵恩榮五元

四月初十日又收到愛國公債數目單

健銳營翼長祥明十元

又委署翼長愛紳五元

又鑲黃旗官兵等三十元

又正白旗官兵等三十元

又廂白旗官兵等二十五元

又正藍旗官兵等二十五元

又正黃旗番子官兵等五元

又培霖五元

又伊積斯輝十元

又成秀五元

又正黃旗官兵等三十元

又正紅旗官兵等二十五元

又廂紅旗官兵等二十五元

又廂藍旗官兵等二十五元





公啟

參議院暫設事務所公啟

現奉 大總統諭南京參議院已議定遷至北京參議員定於本月二十一日以前齊集應暫設事務所豫備料理接待一切事宜等因現已擇定宣武門內象坊橋法律學堂（即前資政院）為參議院暫設事務所各省參議員到京者請自本月十一日起每日上午十點鐘至下午三點鐘蒞所接洽凡應投參議院文件電報亦望逕投本所為要

中華民國元年四月初十日

臨時公報

陽歷四月十四日即壬子二月二十七日

+